

Apocalypse

L' nouvelle alle est tcheute ccnme alle tchait l'foude
 Pis alle s'est répindue conme ech fu dsus l' poude !
 Not' Dame ed Paris étoait victime d'ein inchindie
 Alorss tout ch' peupe ed Paris, affolé, i s'y rindit...

Ch' batimint millénaire, in fu, brûlait conme ein cierge
 Lanchant des langues ed fu in ein ciel bleu pis vierge
 Ed tous nuaches. Des trainées grises, lourdes ed feumée
 Filoaient in tourbilon ed crinnières point accouteumées
 Edz heutes flanmes seurgissoaient à ed' grannes heuteurs
 L' foule rassannée crioait à l' foés ed peur pis d'horreur
 Ed vir leu cathédrale d'vnue l' proée ed ches flanmes
 Qui ronfloaient, qui ratchoaient pis pétoaient sins âme
 Apportant à chatchun tchéques bouffées ed chaleur
 Qu'ech vint i f'soait aller d'ichi à lo pour ch' malheur
 Ed ches tchurieux silinchieux dont sartains pleurent...
 Is sont v'nus ichi, ein par ein d'abord, groupés insuite
 Pis i sont lo, figés, anéintis, dvant l'horrible porsuite
 D'ein fu dont o d'vine el' forche pis étou el' dur'té !
 Ches pompiis l'combattent avuc granne opiniât'té
 Ches poutes ed huit chints ans ont t'nu sins falle
 Ch' fu sz'es maque ccnme si alles étoétent in palle
 Ches flanmes vont alorss monter coère pus heut
 Pis s' rassasier ed tout, equ' cha fuche laid ou bieu
 Ein fu qui dévore l' toéture pis prind puss d'avanche
 Dsus ches pompiis in nardjant leus tchottes lanches
 Qui raquent eine ieu qu'alle o point assez ed forche
 Pour l'atteinde in plein mitan. Des fois i s'amorche
 Ein singne ed déclin d'ech fu, ein espoér ed victoère
 Mais ech fu i lache point pis, r'prindant tout es' gloère
 I l'attaque la heute flèque foaite ed bous pis ed plomb
 Qu'alle flimbe ed bos in heut, pis, perdant s'n'aplomb,
 Alle s'écroule dins eine gerbe ed granne incandeschince
 En' lachant d'elle qu'eint moégnon frisant l'indéchince
 Des murs, qui dvoétent défier ech temps qui passe,
 Ech fu esz'o réduit brutal'mint à l'état ed carcasses
 Ches pompiis is luttent, courageux, intrépides, harassés
 Is veultent point equ s'in alle parel vestige d'ech passé
 L'foule ertchule, ébeubie, s'éloégne, personne én'crie
 Dins ein tchuin, tout seul, à g'noux, ein homme prie

I voét, d'el belle cathédrale, ch' fu s'in f'sant ein festin
 Pinsant " Diu ! Ch'est-y d'et' part ein singne d'ech destin ?"
 D'eutes honmes, insanne, intonnent ein viux cantique
 Pour glorifier ch' bijou ed l'art er'ligieux d'ech gothique
 In train d'ête carbonisé avuc des grannes flammes d'âtre
 Equ des gins vien'tent vir comme os allons à ch' théyâtre...

A l'intérieur, l' chaleur alle est intinse. Ed'ches voûtes
 Tchaisent des braises dorées ccnme edz'étoèles filantes
 Qu'ein robot éteint d'eine lanche, in inditchant l' route
 Pis d'jidant ches pompiis dins leu avinchée bién lente !
 Neuf heures ches pompiis is vont lutter conte ech feu
 Neuf heures pour qu'i diminue mais ein titchout peu
 Neuf heures ed lutte acharnée, pleine ed courache
 Neuf heures d'où qu'is ont combattu ech' fu avuc rache
 Neuf dures heures durant les tchelles is ont bien lutté
 Pour equ seurvivent ches huit chints énnées ed bieuté
 Edz' ouvriis avoient foait sortir eine œuvre d'ech néant
 Pour vir tout cha, dins edz ieux puss equ sales, baingnant...

Lint'mint ech fu décroét pis s' fait moins t'nache
 O d'vise ed victoère mais sins oubelier l' m'nache
 D'eine évirtuelle erprise d'ech fu toujours possible
 Seuv'garder tout ch' qui reste d'vnant el' réelle cibe
 Ch'est au tchout matin quainte sont partis ches astres
 D'el' nuit qu'o s'est bien rindu compte d'ech désastre
 Not' Dame ed Paris ch'étoait pus equ des murs
 Ech fu avoait dévoré in eine nuit tout l' toéture
 Des treus dins l' voûte éclairaient à ch' grand jour
 Ch' tchœur, ches bancs, ches capelles tout au tour...
 Cha equ ches djerres avoient point foait, l'inchindie
 L'avoait accompli lachant ech peuple ed Paris interdit
 Ches deux grannes tours alles t'noaient coère d'bout
 Alles avoient été bien défindues ed bout in bout...
 Os avoait r'cdmindé à ches hommes dsus ch' terrain
 Ed protéger ches cloques pis leus belles voéx d'airain
 Comme l' croix d'or, tout au fond, dins ch' tchœur
 Tind ses bros dsus ein chaos dont l'sinteur étchœure
 I n' restoait, d'ech bieu bijou d'el roéyonnante Cité,
 Equ des murs noérchis, martchés par eine calamité
 Pis, témoin ed tout ches solannités : ech' grand orgue
 Récapé ed ches flammes d'ein fu plein ed morgue...

Ech fu, maîtrisé, est vaintchu ! Ches pompiis fatidjés
 Ont r'ploéyé ches teuyaux pis matériels, sins épilodjer

Is sont r'partis sins ein mot vers leus casern'mints
 Mais is ont été seurprins par ches applaudiss'mints...
 Figé dvant ch' téléviseur j'erbéyoais abasourdi
 Eine cathédrale in flanmes. L' vraie peur, in mi,
 Montoait tout douch'mint eine siniste ganme
 Vir ein jour Not' Dame d'Anmiens in flanmes
 J'avoais peur, j'el' dis sins honte, j'avoais fin peur
 Ed vir ein jour ignobe ein parel singne ed malheur...
 Ej'sintoais min tchoeur, qu'une douleur broéyoait !
 M' fanme alle ressuyoait m'fidjure pasqu'ej' brayoit.

Si ein jour meudit cha s' fsoait ej sais point où ej' s'rai
 Eine cose alle est seure, eine sconde foés, ej' brairai...

Le petit Prince est venu, a fait ein beau discours
Parlant d'union, ed fraternité et, devant sa cour,

Appela à ein soutien moral et surtout financier
Pour qu'en cinq ans la cathédrale, en son entier,
Soit reconstruite et redevienne pôle touristique
Ccnme avant. Il a eu droit à bien des critiques
Des experts disaient qu'il faudrait plus du double
Ed temps. L'existence est bien souvent trouble
Avancer des délais aussi courts relève ed l'utopie....

Puis il est venu le temps ed la "vraie philanthropie !"
Ed très grands patrons, parmi ches plus que riches
On fait voir qu'ils ne sont pas des gens chiches
Le premier annonça qu'il verserait cent millions
Son rival, en bon second, lui, a doublé la somme
Le troisième ajoutera à son tour deux millions
Pour la reconstruction. Et il fallu voir ccnme
Ches autres nantis se pressèrent d'annoncer leur
Don ! Le milliard a été dépassé en eine heure
Tout cela fait avuc des annonces ostentatoires
Ches nantis voulaient être cités dins l'Histoire !
Qu'aurait dit Victor Hugo devant ce tas d'argent
Lui qui était si proche, il l'a dit, des pauvres gens...
Je préfère, à ces dons faits par des puissants,
Celui ed la pauvrese qui donne en puisant
Dins ce qui lui permet ed manger pour vivre
A celui des ces riches que leur richesse enivre...

En cela je me remémore eine certaine parabole
Où eine vielle dame apportant sa petite obole
Reçois bien plus que le pharisien fier ed sa place
Qui ignorait sa misère en rejoignant son palace
La pauvre veuve, en donnant, se privait ed son pain
Le riche, lui, ne mettait qu'une belle affaire en train...
Ein don a plus ed valeur quand il est discret
Et encore plus si celui qui donne reste secret